

ЎЗБЕКИСТОН РЕСПУБЛИКАСИ **9-10-сон**
ҚОНУН ҲУЖЖАТЛАРИ **(249-250)**
ТЎПЛАМИ **2007 й.**
февраль-
март

Ўзбекистон Республикаси қонун ҳужжатлари тўплами беш бўлимдан иборат:

тўпламнинг биринчи бўлимида Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон, қарор ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпламнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

+

—

МУНДАРИЖА

Иккинчи бўлим

82. «Давлат бюджетининг ғазна ижроси тизимини янада ривожлантириш чоратадбирлари тўғрисида» Ўзбекистон Республикаси Президентининг 2007 йил 28 февралдаги ПҚ-594-сон қарори

Учинчи бўлим

83. «Ўзбекистон Миллий телерадиокомпанияси тизими ходимлари учун Ягона тариф сеткаси тармоқ коэффициентларини тасдиқлаш тўғрисида» Ўзбекистон Республикаси Вазирлар Маҳкамасининг 2007 йил 26 февралдаги 41-сон қарори
84. «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида (Ўзбекистон Республикаси Президентининг «Чигит етказиб бериш механизмини ҳамда ўсимлик ёғи ва ёғ-мой маҳсулотлари сотишни тартибга солиш тўғрисида» 2006 йил 31 майдаги ПҚ-360-сон қарори)» Ўзбекистон Республикаси Вазирлар Маҳкамасининг 2007 йил 27 февралдаги 42-сон қарори

85. «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» Ўзбекистон Республикаси Вазирлар Маҳкамасининг 2007 йил 1 мартдаги 43-сон қарори
86. «Транспорт воситалари ҳайдовчилари ва йўловчилари хавфсизлигини таъминлаш чора-тадбирлари тўғрисида» Ўзбекистон Республикаси Вазирлар Маҳкамасининг 2007 йил 6 мартдаги 44-сон қарори
87. «Кейс Нью-Холланд» компаниясининг универсал-ҳайдов тракторлари узеллари ва деталларини ишлаб чиқаришни маҳаллийлаштиришни чуқурлаштириш чора-тадбирлари тўғрисида» Ўзбекистон Республикаси Вазирлар Маҳкамасининг 2007 йил 9 мартдаги 46-сон қарори

Бешинчи бўлим

88. «Уруғлик донни қабул қилиш, тайёрлаш, дорилаш, тарқатиш ва сифатини назорат қилиш тартиби тўғрисидаги йўриқномага ўзгартиш ва қўшимчалар киритиш ҳақида» Ўзбекистон Республикаси Қишлоқ ва сув хўжалиги вазирининг 2007 йил 3 февралдаги 19-сон буйруғи. (*Ўзбекистон Республикаси Адлия вазирлиги томонидан 2007 йил 27 февралда 1499-1-сон билан давлат рўйхатидан ўтказилди*)
89. «Донни қабул қилиш ва қишлоқ хўжалиги ишлаб чиқарувчилари билан ҳисоб китоб тартиби бўйича йўриқномага ўзгартиш ва қўшимчалар киритиш ҳақида» Ўзбекистон Республикаси Қишлоқ ва сув хўжалиги вазирининг 2007 йил 6 февралдаги 22-сон буйруғи. (*Ўзбекистон Республикаси Адлия вазирлиги томонидан 2007 йил 27 февралда 936-1-сон билан давлат рўйхатидан ўтказилди*)
90. «Хусусий уй-жой мулкдорларининг ширкатлари ва коммунал хизматлар кўрсатувчилар ўртасида мулкнинг бўлиниш чегаралари ҳамда муҳандислик коммуникацияларини сақлаш учун жавобгарлик тўғрисидаги низомни тасдиқлаш ҳақида» Ўзбекистон «Ўзкоммунхизмат» агентлиги бош директорининг 12 февралдаги 11-сон буйруғи. (*Ўзбекистон Республикаси Адлия вазирлиги томонидан 2007 йил 27 февралда 1659-сон билан давлат рўйхатидан ўтказилди*)
91. «Профессional баҳоловчига қўйиладиган малака талаблари тўғрисидаги низомни тасдиқлаш ҳақида» Ўзбекистон Республикаси Давлат мулкини бошқариш давлат қўмитасининг 2006 йил 1 декабрдаги 01/19-18/05-сон қарори. (*Ўзбекистон Республикаси Адлия вазирлиги томонидан 2007 йил 2 мартда 1660-сон билан давлат рўйхатидан ўтказилди*)
92. «Пул маблағлари ёки бошқа мол-мулк билан боғлиқ операцияларни амалга оширувчи ташкилотларда жиноий фаолиятдан олинган даромадларни легаллаштириш ва терроризмни молиялаштиришга қарши курашиш юзасидан ички назоратни амалга ошириш қоидаларини тасдиқлаш тўғрисида» буйруқнинг амал қилишини тўхтатиб туриш ҳақида» Ўзбекистон Республикаси Бош прокуратураси ҳузуридаги Солик, валютага оид жиноятларга ва жиноий даромадларни легаллаштиришга қарши курашиш департаменти бошлиғининг 2007 йил 22 февралдаги 12-сон буйруғи. (*Ўзбекистон Республикаси Адлия вазирлиги томонидан 2007 йил 6 мартда 1597-1-сон билан давлат рўйхатидан ўтказилди*)

93. «Хўжалик жамиятлари устав жамғармасидаги давлат акциялари пакетлари (улушлари)ни бошқариш бўйича фаолиятни амалга ошириш тартиби тўғрисидаги низомни тасдиқлаш ҳақидаги қарорга ўзгартиш ва қўшимчалар киритиш тўғрисида» Ўзбекистон Республикаси Молия вазирлиги, Давлат мулкани бошқариш давлат қўмитасининг 2007 йил 14 февралдаги 21, 01/12-18/04-сон қарори. (*Ўзбекистон Республикаси Адлия вазирлиги томонидан 2007 йил 7 мартда 1473-1-сон билан давлат рўйхатидан ўтказилди*)
94. «Мактаб таълимини ривожлантиришга мажбурий ажратмаларни ҳисоблаб чиқариш ва тўлаш тартиби тўғрисидаги низомга ўзгартиш ва қўшимчалар киритиш ҳақида» Ўзбекистон Республикаси Молия вазирлиги, Давлат солиқ қўмитасининг 2007 йил 8 февралдаги 18, 2007-16-сон қарори. (*Ўзбекистон Республикаси Адлия вазирлиги томонидан 2007 йил 7 мартда 1446-4-сон билан давлат рўйхатидан ўтказилди*)

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2007 йил 24 февралдан 9 мартгача бўлган маълумот

+

—

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

82 Давлат бюджетининг ғазна ижроси тизимини янада ривожлантириш чора-тадбирлари тўғрисида

Давлат бюджетининг ғазна ижросини татбиқ этиш ҳисобига бюджет тизимини янада ислоҳ қилиш, замонавий ахборот технологияларидан фойдаланган ҳолда бюджет маблағларининг мақсадли сарфланиши устидан назоратни кучайтириш, барча даражалардаги бюджет даромадлари ва харажатларини бошқариш самарадорлигини ошириш мақсадида:

1. Ўзбекистон Республикаси Молия вазирлигининг Молия вазирлиги Давлат бюджетининг ғазна ижросини татбиқ этиш ва услубиёти бошқармаси ҳамда маҳаллий молия органларининг ғазначилик бўлинмалари негизида Ўзбекистон Республикаси Молия вазирлиги Ғазначилигини ва унинг ҳудудий бўлинмаларини молия органлари бўйича белгиланган бошқарув ходимлари сони доирасида ташкил этиш тўғрисидаги таклифи қабул қилинсин.

2. Ғазначилик зиммасига қўйидаги асосий вазифалар юклатилсин:

Давлат бюджетинининг касса ижроси, жумладан, тушадиган даромадларни турли даражадаги бюджетлар ўртасида тақсимлаш, бюджетдан маблағ олувчиларнинг харажатлар сметалари ижроси ва Давлат бюджети ижроси тўғрисида ҳисобот тузиш;

Давлат бюджети маблағларини ягона ғазначилик ҳисоб рақами, шунингдек тегишли бюджетлар даромадлари ва харажатлари ўртасидаги касса узилишларининг олдини олишни таъминлайдиган ҳудудий ғазначилик ҳисоб рақамларини жорий этиш орқали бошқариш;

бюджет ташкилотларининг товар (иш, хизмат)лар етказиб берувчилар билан шартномаларини, шунингдек Давлат бюджети маблағлари ҳисобидан капитал қурилиш бўйича буюртмачиларнинг шартномалари харажатлар сметасида кўрсатилган суммалар ва мақсадларга қатъий мувофиқ равишда тузилиши устидан қаттиқ назорат ўрнатиш асосида мазкур шартномаларни мажбурий рўйхатдан ўтказиш тартибини жорий этиш орқали бюджет ташкилотларининг мақсадга номувофиқ, асоссиз харажатларининг олдини олиш;

бюджет ташкилотларини, шу жумладан мудофаа ва хавфсизлик тузилмаларини молиялашга йўналтириладиган бюджет маблағларидан фойдаланишни мақбуллаштириш устидан мониторингни амалга ошириш, бунда улар томонидан тузилаётган шартномаларнинг сифати таъминланишини, уларнинг мақсадга мувофиқлиги ва нарх-наво ечимини назарда тутиш ҳамда воситачилик хизматларидан воз кечиш;

харажатлар сметаси ва рўйхатга олинган шартномаларда назарда тутилган қатъий суммалар доирасида товар (иш, хизмат)лар етказиб берувчиларнинг бевосита ҳисоб рақамларига бюджет маблағлари олувчилар номидан ва уларнинг топшириғи бўйича тўловларни амалга ошириш орқали тўлов интизомига сўзсиз риоя этилиши устидан таъсирчан назоратни таъминлаш;

Давлат бюджети ғазна ижросининг бухгалтерлик ҳисоби ва ҳисоботини юри-

тиш, Давлат бюджети ижроси ҳақида ахборот йиғиш, қайта ишлаш ва таҳлил қилиш, шунингдек Ўзбекистон Республикасининг давлат ички ва ташқи қарзларига хизмат кўрсатиш, Ўзбекистон Республикаси кафолатларини ижро этиш.

3. Ҳазначилик ва унинг ҳудудий бўлинмалари ташкилий тузилмаси 1—4-ило-валарга* мувофиқ тасдиқлансин.

Ўзбекистон Республикаси молия вазирига зарур ҳолларда Ҳазначиликнинг мар-казий аппарати ва унинг бўлинмалари тузилмасига молия органлари бошқарув ходимларининг белгиланган сони доирасида ўзгаришлар киритиш ҳуқуқи берил-син.

4. Қуйидагилар белгилансин:

Ўзбекистон Республикаси Молия вазирлигининг Ҳазначилик бошлиғи Ўзбекис-тон Республикаси Президенти билан келишган ҳолда Вазирлар Маҳкамаси томони-дан, Ўзбекистон Республикаси молия вазирининг тақдимномасига асосан лавозимга тайинланади ва озод этилади;

Ҳазначилик бошлиғи лавозими бўйича Ўзбекистон Республикаси молия вази-рининг ўринбосари ҳисобланади;

Ҳазначилик ходимларига молия органлари ходимлари учун белгиланган меҳнат ҳақи шартлари татбиқ этилади.

5. Ўзбекистон Республикаси Молия вазирлиги:

ўн кун муддатда — Ўзбекистон Республикаси Молия вазирлигининг Ҳазначи-лиги тўғрисидаги низомни тасдиқлаш учун Ўзбекистон Республикаси Вазирлар Маҳкамасига киритсин;

икки ҳафта муддатда — молия органлари, шунингдек бюджет ташкилотлари-нинг молия-ҳисоб бўлинмалари ходимларини Давлат бюджетининг ғазна ижроси тизими фаолият юритиши шароитларида ишлашга тайёрлаш ва қайта тайёрлаш Ўқув марказини ташкил этиш тўғрисида Вазирлар Маҳкамасининг қарори лойиҳасини киритсин;

икки ҳафта муддатда — Ҳазначилик ва унинг ҳудудий бўлинмаларини зарур бинолар, компьютерлар, ташкилий техника ва бошқа анжомлар билан таъминлаш, шунингдек уларни юқори малакали мутахассислар билан тўлдириш бўйича ташки-лий-техник тадбирлар режасини ишлаб чиқсин;

икки ой муддатда — Давлат бюджети ғазна ижроси тизимининг жорий этили-ши муносабати билан муайян вазирликлар, идоралар ва ташкилотларни молиявий таъминлаш хусусиятига қараб бюджет ташкилотларининг молия-иқтисод хизматла-ри ходимлари сонини мақбуллаштириш ва 25 фоизгача қисқартириш бўйича Вазир-лар Маҳкамасига таклифлар киритсин;

Осиё тараққиёт банки (ОТБ) ва бошқа халқаро молия ташкилотларининг қарз маблағларини жалб этган ҳолда Давлат бюджетининг барча даромадларини ягона ғазна ҳисоб рақамига жамлаш ва ундан харажатлар тўловини амалга ошириш имко-нини берувчи Давлат бюджети ғазна ижросининг ягона интеграциялашган ахборот тизимини ташкил этиш бўйича чора-тадбирлар комплексини қабул қилсин.

6. Белгилаб қўйилсинки, бюджет ташкилотларининг товар (иш, хизмат)лар етказиб берувчилар билан шартномалари, шунингдек буюртмачиларнинг Давлат бюджети маблағлари ҳисобидан капитал қурилишга оид шартномалари Ҳазначиликда рўйхатга олинishi шарт.

7. Ўзбекистон алоқа ва ахборотлаштириш агентлиги Ўзбекистон Республикаси Марказий банки билан биргаликда белгиланган тартибда республиканинг барча шаҳар ва туманларини қамраб олган ҳолда Ўзбекистон Республикаси Молия вазирлиги

* 1—4-иловалар рус тилидаги матнда берилган.

тизимининг маълумотлар тармоғини ташкил этиш учун ер усти рақамли алоқа каналларини бериш чораларини кўрсин.

8. Бюджет маблағлари олувчиларнинг харажатлар сметасини бажариш функциялари Ғазначиликка берилиши муносабати билан Ўзбекистон Республикаси Марказий банки ва тижорат банкларига бюджет маблағлари олувчиларга хизмат кўрсатиш билан банд бўлган банк ходимлари сонини мақбуллаштириш ва қисқартириш чораларини кўриш тавсия этилсин.

9. Ўзбекистон Республикаси Молия вазирлигининг Ғазначилиги Тошкент шаҳар, Х. Сулаймонова кўчаси, 29-уй манзилидаги бинога жойлаштирилсин.

10. Ўзбекистон Республикаси Молия вазирлиги Адлия вазирлиги, бошқа манфаатдор вазирликлар ва идоралар билан биргаликда икки ой муддатда:

қонун ҳужжатларига ушбу қарордан келиб чиқадиган ўзгартиш ва қўшимчалар тўғрисида Вазирлар Маҳкамасига таклифлар киритсин;

идоравий меъёрий ҳужжатларнинг мазкур қарор талабларига мос равишда мувофиқлаштирилишини таъминласин.

11. Ушбу қарорнинг ижросини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Ўзбекистон Республикаси
Президенти

И. КАРИМОВ

Тошкент ш.,
2007 йил 28 февраль,
ПҚ-594-сон

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

83 Ўзбекистон Миллий телерадиокомпанияси тизими ходимлари учун Ягона тариф сеткаси тармоқ коэф- фициентларини тасдиқлаш тўғрисида

Ўзбекистон Республикаси Президентининг «Ўзбекистон Миллий телерадиокомпанияси фаолиятини ташкил этиш бўйича тадбирлар ҳақида» 2005 йил 27 декабрдаги ПҚ–245-сон қарорига мувофиқ ҳамда ишлаб чиқаришнинг ўзига хос хусусиятларини ва профессионал талабларни ҳисобга олган ҳолда Ўзбекистон Миллий телерадиокомпанияси ижодий-ишлаб чиқариш ва муҳандис-техник ходимлари меҳнатига ҳақ тўлашни такомиллаштириш, шунингдек уларнинг касб даражасини ва малакасини ошириши учун рағбатлар яратиш мақсадида Вазирлар Маҳкамаси **қарор қилади:**

1. 2007 йил 1 мартдан бошлаб меҳнатга ҳақ тўлашнинг Ягона тариф сеткасига биноан ҳисоблаб чиқарилган лавозим маошларига:

«O'zbekiston» телерадиоканали», «Sport» телерадиоканали», «Toshkent» телерадиоканали», «O'zbektelefilm» давлат унитар корхоналари, шунингдек «Yoshlar» телерадиоканали» ёпиқ акциядорлик жамияти ва Ўзбекистон Миллий телерадиокомпанияси ходимлари учун — 1,15 микдорида;

ишлаб чиқаришнинг ўзига хос хусусиятларига ва профессионал талабларга мувофиқ Ўзбекистон Миллий телерадиокомпанияси ҳудудий бўлинмалари ходимлари учун — 1,1 микдорида тармоқ коэффициентлари жорий этилсин.

2. Белгилаб қўйилсинки, Ягона тариф сеткаси бўйича лавозим маошларига тармоқ коэффициентларини жорий этиш Ўзбекистон Миллий телерадиокомпаниясига, унинг тасарруфидаги корхоналар ва ташкилотларга, шунингдек ҳудудий бўлинмаларига ажратиладиган бюджет маблағлари доирасида, штатдаги ходимлар сонини мақбуллаштириш ҳисобига амалга оширилади.

3. Ўзбекистон Миллий телерадиокомпанияси Ўзбекистон Республикаси Меҳнат ва аҳолини ижтимоий муҳофаза қилиш вазирлиги ҳамда Молия вазирлиги билан келишган ҳолда бир ой муддатда ишлаб чиқаришнинг ўзига хос хусусиятларини ва профессионал талабларни ҳисобга олиб ходимларни рағбатлантиришни назарда тутувчи Ўзбекистон Миллий телерадиокомпанияси тизими ходимлари меҳнатига ҳақ тўлаш тартиби ва шартлари тўғрисидаги низомни ишлаб чиқсин ва тасдиқласин.

4. Мазкур қарорнинг бажарилишини назорат қилиш Ўзбекистон Республика-

си Бош вазирининг ўринбосарлари Р.С. Азимов ва А.Н. Арипов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2007 йил 26 февраль,
41-сон

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**

84 Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида (Ўзбекистон Республикаси Президентининг «Чигит етказиб бериш механизмини ҳамда ўсимлик ёғи ва ёғ-мой маҳсулотлари сотишни тартибга солиш тўғрисида» 2006 йил 31 майдаги ПҚ–360-сон қарори)

Ўзбекистон Республикаси Президентининг «Чигит етказиб бериш механизмини ҳамда ўсимлик ёғи ва ёғ-мой маҳсулотлари сотишни тартибга солиш тўғрисида» 2006 йил 31 майдаги ПҚ–360-сон қарорига мувофиқ Вазирлар Маҳкамаси **қарор қилади:**

Ўзбекистон Республикаси Ҳукуматининг иловага мувофиқ айрим қарорларига ўзгартириш ва қўшимчалар киритилсин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2007 йил 27 февраль,
42-сон

Вазирлар Маҳкамасининг
2007 йил 27 февралдаги 42-сон қарорига
ИЛОВА

**Ўзбекистон Республикаси Ҳукуматининг айрим қарорларига
киритилаётган ўзгартириш ва қўшимчалар**

1. Вазирлар Маҳкамасининг «Бозорларда сифатсиз озиқ-овқат товарлари сотилишини бартараф этиш чора-тадбирлари тўғрисида» 1998 йил 4 сентябрдаги 378-сон қарорининг 1-бандида (Ўзбекистон Республикаси ҚТ, 1998 й., 9-сон, 32-модда):

«ўсимлик ва» сўзлари чиқариб ташлансин;

қуйидаги мазмундаги хатбоши қўшилсин:

«Бунда аҳолига ўсимлик ёғи сотиш фақат юридик шахс шаклидаги чакана савдо ташкилотлари томонидан назорат-касса аппаратлари билан жиҳозланган тургун савдо шохобчалари орқали амалга оширилади».

2. Вазирлар Маҳкамасининг «2000 йилда давлат эҳтиёжлари учун озиқ-овқат маҳсулотларининг асосий турларини харид қилиш тўғрисида» 2000 йил 8 апрелдаги 136-сон қарорига 1-иловада:

а) 3.1-бандга қуйидаги мазмундаги бешинчи хатбоши қўшилсин:

«Республика корхоналари томонидан пахта чигитидан ишлаб чиқарилаётган ўсимлик ёғини харид қилиш тўғридан-тўғри шартномалар бўйича амалга оширилади»;

бешинчи хатбоши олтинчи хатбоши деб ҳисоблансин;

б) 4.1-бандга қуйидаги мазмундаги хатбоши қўшилсин:

«Республика корхоналари томонидан ишлаб чиқарилаётган ўсимлик ёғини харид қилиш тартибга солинадиган нархлар бўйича амалга оширилади».

3. Вазирлар Маҳкамасининг «2002 йилда пахта хом ашёси етиштириш, ғўзани навлар бўйича жойлаштириш ва навларни янгилашни такомиллаштириш чора-тадбирлари тўғрисида» 2001 йил 19 декабрдаги 477-сон қарорининг 8-банди ўз кучини йўқотган деб ҳисоблансин.

4. Вазирлар Маҳкамасининг 2002 йил 5 ноябрдаги 380-сон қарори (Ўзбекистон Республикаси ҚТ, 2002 й., 11-сон, 66-модда) билан тасдиқланган Тадбиркорлик субъектлари — фақат юридик шахслар томонидан қонун ҳужжатларида белгиланган тартибда амалга ошириладиган фаолиятнинг айрим турлари рўйхатига қуйидаги мазмундаги 14-банд қўшилсин:

«14. Аҳолига ўсимлик ёғи сотиш».

5. Вазирлар Маҳкамасининг «Пахта хом ашёси етиштиришда бозор принципларини амалга ошириш ва уни етиштиришни ташкил этишни янада такомиллаштириш чора-тадбирлари тўғрисида» 2003 йил 19 февралдаги 93-сон қарорининг (Ўзбекистон Республикаси ҚТ, 2003 й., 2-сон, 16-модда) 7-бандидаги «ўсимлик мойининг 50 фоизи ва» сўзлари чиқариб ташлансин.

6. Вазирлар Маҳкамасининг «Пахта чигити ресурсларидан фойдаланиш устидан назоратни кучайтириш ва улардан фойдаланиш самарадорлигини ошириш чора-тадбирлари тўғрисида» 2005 йил 31 мартдаги 93-сон қарорида (Ўзбекистон Республикаси ҚТ, 2005 й., 3-4-сон, 17-модда):

7-бандга «қабул қилишни» сўзларидан кейин «Ўзбекистон «Сифат» марказининг Пахта чигитидан фойдаланишни назорат қилиш инспекцияси вакиллари иштирокида» сўзлари қўшилсин;

8-банд қуйидаги таҳрирда баён қилинсин:

Ўзбекистон Республикаси қонун ҳужжатлари тўплами, 2007 й.

«8. «Ўзпахтасаноат» уюшмаси ва Ёғ-мой ва озиқ-овқат саноати уюшмаси ўз таркибига кирадиган корхоналар ҳамда «Сифат» Ўзбекистон пахта толасини сертификатлаш маркази билан биргаликда ҳар йили пахта хом ашёси ва чигитни қайта ишлаш тугаллангандан кейин барча пахта тозалаш ва ёғ-мой корхоналарида пахта чигитини хатловдан ўтказсинлар ва омборларни тозаласинлар. Хатлов натижалари бўйича материаллар ҳар йили ҳисобот йилининг 1 августигача Ўзбекистон Республикаси Вазирлар Маҳкамасига ва Иқтисодиёт вазирлигига тақдим этилсин».

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

85 Ўзбекистон Республикаси Ҳукуматининг айрим қарорларига ўзгартиришлар киритиш тўғрисида

«Ўзбекистон Республикасининг Фуқаролик, Уй-жой кодексларига ўзгартириш ва қўшимчалар киритиш ҳамда «Давлат уй-жой сиёсатининг асослари тўғрисида»ги Ўзбекистон Республикаси Қонунини ўз кучини йўқотган деб топиш ҳақида»ги Ўзбекистон Республикаси Қонунига мувофиқ Вазирлар Маҳкамаси **қарор қилади:**

1. Ўзбекистон Республикаси Ҳукуматининг иловага мувофиқ айрим қарорларига ўзгартиришлар киритилсин.

2. «Ўзкоммунизмат» агентлиги манфаатдор вазирликлар ва идоралар билан биргаликда икки ой муддатда давлат уй-жой фондини сақлаш қоидалари лойиҳасини ишлаб чиқсин ва Ўзбекистон Республикаси Вазирлар Маҳкамасига киритсин.

3. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Н.М. Ханов зиммасига юклансин.

Ўзбекистон Республикасининг
Бош вазири

Ш. МИРЗИЁЕВ

Тошкент ш.,
2007 йил 1 март,
43-сон

Вазирлар Маҳкамасининг
2007 йил 1 мартдаги 43-сон қарорига
ИЛОВА

**Ўзбекистон Республикаси Ҳукуматининг айрим қарорларига
киритилаётган ўзгартиришлар**

1. Вазирлар Маҳкамасининг «Уй-жойларни уй-жой ширкатлари бошқарувига бериш ва уй-жой фондини сақлаш, тузатиш масалаларида давлат ҳокимияти органлари билан ўзаро ҳамкорлик қилиш тартиби тўғрисидаги намунавий низомни тасдиқ-

лаш ҳақида» 1999 йил 4 октябрдаги 454-сон қарорида (Ўзбекистон Республикаси ҚТ, 1999 й., 10-сон, 60-модда):

1) қарор номидаги ва 1-банднинг иккинчи хатбошидаги «уй-жой мулкдорлари ширкати» сўзлари «хусусий уй-жой мулкдорлари ширкати» сўзлари билан алмаштирилсин;

2 ва 3-бандлардаги «уй-жой мулкдорлари ширкатларини» ва «уй-жой мулкдорлари ширкатларига» сўзлари тегишли равишда «хусусий уй-жой мулкдорлари ширкатларини» ва «хусусий уй-жой мулкдорлари ширкатларига» сўзлари билан алмаштирилсин;

2) 2-иловада:

а) илова номидаги, кириш қисмидаги ва 1-бобнинг номидаги «уй-жой мулкдорлари ширкати» сўзлари «хусусий уй-жой мулкдорлари ширкати» сўзлари билан алмаштирилсин;

б) 1.1-банд қуйидаги таҳрирда баён қилинсин:

«1.1. Хусусий уй-жой мулкдорларини бирлаштирувчи ҳамда уларнинг манфаатларини ифодалаш ҳуқуқини олган ширкатлар ташкил этилганда ширкат хусусий уй-жой мулкдорларининг розилиги ва уларнинг топшириғига кўра кўп квартирали уй (уйлар)даги биноларни бошқаришни ўз зиммасига олади».

в) 1.2-банднинг тўртинчи хатбоши ва 1.3-банд чиқариб ташлансин;

г) 1.4-банд 1.3-банд деб ҳисоблансин ва қуйидаги таҳрирда баён қилинсин:

«1.3. Ширкат баланс сақловчи функциясини бажарган ҳолда уйнинг техник ҳужжатларини юритади, уни балансда ҳисобга олади. Бунда турар жой ва турар жойга мўлжалланмаган майдонлар ҳисоби алоҳида юритилади»;

1.5-банд 1.4-банд деб ҳисоблансин;

д) 2-бобнинг номидаги «Уй-жой мулкдорлари ширкатининг» сўзлари «Хусусий уй-жой мулкдорлари ширкатининг» сўзлари билан алмаштирилсин;

ж) 2.1. ва 2.3-бандлар ўз кучини йўқотган деб ҳисоблансин;

з) 2.2-банднинг иккинчи хатбоши чиқариб ташлансин;

и) 2.4 ва 2.5-бандлар қуйидаги таҳрирда баён қилинсин:

«2.4. Мулкдорлардан бири давлат ҳокимияти органлари ҳисобланган уйларда давлат уй-жой фондини бошқариш уй-жой фонди мулкдори билан бошқарувчи (ижро этувчи директор) ёки бошқарувчи ташкилот ёхуд хусусий уй-жой мулкдорлари ширкати ўртасида тузиладиган шартнома бўйича амалга оширилиши мумкин.

2.5. Қуйидагилар уй-жой фондини бошқариш юзасидан шартноманинг мажбурий шартлари ҳисобланади:

бошқариш амалга ошириладиган кўп квартирали уйдаги бинолар мулкдорлари умумий мол-мулкнинг таркиби ҳамда уйнинг манзили;

бошқарувчи (ижро этувчи директор) ёки бошқарувчи ташкилотнинг кўп квартирали уйдаги бинолар мулкдорлари умумий мол-мулкни, унга ёндош ер участкасини ободонлаштириш элементлари билан бирга сақлашни таъминлаш бўйича мажбуриятлари;

бошқарувчи (ижро этувчи директор) ёки бошқарувчи ташкилот хизматларига ҳақ тўлаш тартиби ва миқдори;

кўп квартирали уйнинг техник ҳужжатларини бериш тартиби;

бошқарувчи (ижро этувчи директор) ёки бошқарувчи ташкилот томонидан шартнома бўйича мажбуриятлар бажарилишини назорат қилиш тартиби»;

к) 2.7-банддаги «битим бўйича ўз мулкида бўлган уй-жойларнинг умумий майдонига тенг харажатлар улушини» сўзлари «шартнома бўйича уйнинг умумий майдонида уларнинг мулки бўлган бинолар майдонига мутаносиб миқдорда харажатларни» сўзлари билан алмаштирилсин;

л) 2.11-банддаги «уй-жойни сақлаш ва тузатиш масаласи бўйича иморат жойлашган жойдаги мулкчиликнинг исталган шаклидаги тузатиш, фойдаланиш ташкилоти билан битим» сўзлари «бошқарувчи (ижро этувчи директор), бошқарувчи ташкилот ёки тегишли хизмат кўрсатувчи ва тузатиш ташкилотлари билан шартнома» сўзлари билан алмаштирилсин;

м) изох ва илова чиқариб ташлансин.

2. Вазирлар Маҳкамасининг «Кўп квартирали уйларни капитал таъмирлаш учун маблағлар тўплаш (йиғиш) ва улардан фойдаланиш тўғрисидаги вақтинчалик низомни тасдиқлаш ҳақида» 2000 йил 18 январдаги 16-сон қарорига иловада (Ўзбекистон Республикаси ҚТ, 2000 й., 1-сон, 4-модда):

а) 1-банддаги «138-моддага мувофиқ» сўзлари «137-моддага мувофиқ» сўзлари билан алмаштирилсин;

б) 2-банднинг биринчи ва иккинчи хатбошидаги «уй-жой мулкдорлари ширкатлари» сўзлари «хусусий уй-жой мулкдорлари ширкатлари» сўзлари билан алмаштирилсин;

в) 4-бандда:

Ўзбек тилидаги матннинг биринчи хатбошида «турар жой» сўзларидан фойдаланилмаган;

«а» кичик бандидаги «техникавий хизмат кўрсатиш» сўзлари «бошқариш, хизмат кўрсатиш ва таъмирлаш» сўзлари билан алмаштирилсин;

Ўзбек тилидаги матннинг «б» кичик бандида «турар жой» сўзларидан фойдаланилмаган;

«в» кичик бандидаги «кўп квартирали уйларга қараш бўйича фойдаланиш харажатлари» сўзлари «кўп квартирали уйларни сақлаш бўйича умумий харажатлар» сўзлари билан алмаштирилсин;

«е» кичик бандидаги «улушлари» сўзи «бадаллари» сўзи билан алмаштирилсин, Ўзбек тилидаги матннинг ушбу кичик бандида «турар жой» сўзидан фойдаланилмаган;

Ўзбек тилидаги матннинг тўққизинчи хатбошида «турар жой» сўзларидан фойдаланилмаган;

г) Ўзбек тилидаги матннинг 5-банди иккинчи хатбошида, 6-банди иккинчи хатбошида, 10, 11 ва 17-бандларида «турар жой» сўзларидан фойдаланилмаган.

3. Вазирлар Маҳкамасининг «Ўзбекистон Республикасининг уй-жой фондини давлат йўли билан ҳисобга олиш тўғрисида» 2000 йил 20 январдаги 18-сон қарорида (Ўзбекистон Республикаси ҚТ, 2000 й., 1-сон, 5-модда):

1-илова 9-бандининг еттинчи хатбошидаги «уй-жой мулкдорлари ширкатларини» сўзлари «хусусий уй-жой мулкдорлари ширкатларини» сўзлари билан алмаштирилсин;

4-илова 12-бандининг ўнинчи хатбошидаги «уй-жой мулкдорлари ширкати» сўзлари «хусусий уй-жой мулкдорлари ширкати» сўзлари билан алмаштирилсин.

4. Вазирлар Маҳкамасининг «Ўзбекистон Республикасининг Уй-жой кодексини амалга ошириш бўйича меъёрий ҳужжатларни тасдиқлаш тўғрисида» 2000 йил 24 январдаги 22-сон қарорида (Ўзбекистон Республикаси ҚТ, 2000 й., 1-сон, 6-модда):

1) 1-иловада (Уй-жой-коммунал хизмат кўрсатиш бўйича Ягона буюртмачи хизмати тўғрисида Вақтинчалик низом):

а) 5-банддаги «уй-жойлардан фойдаланиш ҳамда коммунал хизматлар кўрсатиш юзасидан» сўзлари «уй-жой фондини бошқариш, унга хизмат кўрсатиш ва уни таъмирлаш ҳамда коммунал хизматлар кўрсатиш юзасидан» сўзлари билан алмаштирилсин;

б) 7-бандда:

иккинчи хатбошидаги «уй-жойлардан фойдаланиш ҳамда коммунал хизматлар кўрсатиш юзасидан» сўзлари «уй-жой фондини бошқариш, унга хизмат кўрсатиш ва уни таъмирлаш ҳамда коммунал хизматлар кўрсатиш юзасидан» сўзлари билан алмаштирилсин;

учинчи хатбошидаги «таъмирлаш-фойдаланиш ишларини» сўзлари «таъмирлаш ишларини» сўзлари билан алмаштирилсин;

бешинчи хатбошидаги «уй-жой мулкдорлари ширкатлари» сўзлари «хусусий уй-жой мулкдорлари ширкатлари» сўзлари билан алмаштирилсин;

олтинчи хатбошидаги «Уй-жой мулкдорлари ширкатлари», «фойдаланиш» сўзлари тегишли равишда «Хусусий уй-жой мулкдорлари ширкатлари» ва «таъмирлаш» сўзлари билан алмаштирилсин;

еттинчи хатбошидаги «фойдаланиш» сўзи «таъмирлаш» сўзи билан алмаштирилсин;

в) 8-бандда:

биринчи хатбошидаги «Уй-жой мулкдорлари ширкати» сўзлари «Хусусий уй-жой мулкдорлари ширкати» сўзлари билан алмаштирилсин;

ўзбек тилидаги матннинг иккинчи хатбошида «турар жой» сўзларидан фойдаланилмаган, «фойдаланиш» сўзи «сақлаш» сўзи билан алмаштирилсин;

г) 9-бандда:

олтинчи хатбошидаги «Уй-жой мулкдорлари ширкатларидан» сўзлари «Хусусий уй-жой мулкдорлари ширкатларидан» сўзлари билан алмаштирилсин;

еттинчи хатбошидаги «фойдаланиш ва коммунал хизматларнинг» сўзлари «хизмат кўрсатиш ва таъмирлаш ишлари, шунингдек коммунал хизматларнинг» сўзлари билан алмаштирилсин;

д) Вақтинчалик низомга 1-иловада:

илованинг номидаги «Уй-жой (квартира)га техник хизмат кўрсатиш» сўзлари «Уй-жой (квартира)ни бошқариш, унга хизмат кўрсатиш» сўзлари билан алмаштирилсин;

2.1-банднинг учинчи хатбошидаги «уй-жойлардан фойдаланиш хизмати ва коммунал хизматлар» сўзлари «уй-жой фондини бошқариш, унга хизмат кўрсатиш ва уни таъмирлаш ҳамда коммунал хизматлар» сўзлари билан алмаштирилсин;

4.3-бандга «муддати ўтказиб юборилган тўлов суммасининг 50 фоизидан ортиқ бўлмаган миқдорда» сўзлари қўшилсин;

е) Вақтинчалик низомга 2-иловада:

илованинг номидаги ва кириш қисмидаги «уй-жойни таъмирлаш ва ундан фойдаланиш корхонаси» сўзлари «хизмат кўрсатувчи ва таъмирлаш ташкилотлари» сўзлари билан алмаштирилсин;

4-бандда:

учинчи хатбошидаги «Уй-жой мулкдорлари ширкатларидан» сўзлари «Хусусий уй-жой мулкдорлари ширкатларидан» сўзлари билан алмаштирилсин;

тўртинчи хатбошидаги «фойдаланиш ва коммунал хизматларнинг» сўзлари «хизмат кўрсатиш ва таъмирлаш ҳамда коммунал хизматлар кўрсатиш ишларининг» сўзлари билан алмаштирилсин;

5-банднинг иккинчи хатбошидаги «уй-жойдан фойдаланиш хизматларини» сўзлари «бошқариш, хизмат кўрсатиш ва таъмирлашни» сўзлари билан алмаштирилсин;

2) 2-иловада (Кўп квартирали уйлардаги яшаш учун мўлжалланмаган жойлардан фойдаланиш тартиби тўғрисида низом):

а) ўзбек тилидаги матннинг 2-банди биринчи хатбошида «турар жой» сўзларидан фойдаланилмаган;

б) 7-бандда:

«е» кичик бандидаги «таъмирлаш-фойдаланиш ташкилотига ва тегишли авария хизматига» сўзлари «тегишли авария-таъмирлаш хизматига» сўзлари билан алмаштирилсин;

«ж» кичик бандидаги «таъмирлаш-фойдаланиш ташкилотлари вакилларининг» сўзлари «тегишли авария-таъмирлаш хизматлари вакилларининг» сўзлари билан алмаштирилсин;

в) 8-банд қуйидаги тахрирда баён қилинсин:

«8. Турар жойларнинг яшаш учун мўлжалланмаган жойларини бошқариш, уларга хизмат кўрсатиш ва уларни таъмирлаш ҳамда ташқи томонини ободонлаштириш, шунингдек уй атрофидаги ҳудудга санитария хизмати кўрсатиш ва унга қараш белгиланган стандартлар, нормалар ва қоидаларга мувофиқ амалга оширилади»;

г) 9-бандда:

«в» бандидаги «таъмирлаш-фойдаланиш ташкилотларининг» сўзлари «авария-таъмирлаш хизматларининг» сўзлари билан алмаштирилсин;

олтинчи хатбоши қуйидаги тахрирда баён қилинсин:

«Бошқариш, хизмат кўрсатиш ва таъмирлаш хусусий уй-жой ширкатлари томонидан амалга ошириладиган кўп квартирали уйларда ушбу банднинг «а», «б», «в» кичик бандларида кўрсатилган харажатлар бевосита хусусий уй-жой мулкдорлари ширкатига яшаш учун мўлжалланмаган жойларнинг мулкдорлари (ёлловчилари, ижарага олувчилари) томонидан қопланади»;

д) ўзбек тилидаги матннинг 11-бандида «турар жой» сўзларидан фойдаланилмаган;

е) 12-банднинг иккинчи хатбошидаги «уй-жой мулкдорлари ширкатининг» сўзлари «хусусий уй-жой мулкдорлари ширкатининг» сўзлари билан алмаштирилсин;

ж) ўзбек тилидаги матннинг IV бўлими номида «турар жой» сўзларидан фойдаланилмаган;

з) ўзбек тилидаги матннинг 13-бандида «турар жой» сўзларидан фойдаланилмаган, ушбу банддаги «техник фойдаланиш қоидалари ва нормаларини» сўзлари «хизмат кўрсатиш ва таъмирлашнинг белгиланган стандартлари, норма ва қоидаларини» сўзлари билан алмаштирилсин;

и) ўзбек тилидаги матннинг 15-бандида «турар жой» сўзларидан фойдаланилмаган;

к) Кўп квартирали уйлардаги яшаш учун мўлжалланмаган жойлардан фойдаланиш тартиби тўғрисида низомга илова номида «турар жой» сўзларидан фойдаланилмаган.

5. Вазирлар Маҳкамасининг «Аҳолига коммунал хизмат кўрсатишни такомиллаштиришга доир қўшимча чора-тадбирлар тўғрисида» 2001 йил 18 апрелдаги 178-сон қарорида (Ўзбекистон Республикаси ҚТ, 2001 й., 4-сон, 23-модда):

а) 2-бандда:

иккинчи хатбошидаги «уй-жой мулкдорлари ширкатлари» сўзлари «хусусий уй-жой мулкдорлари ширкатлари» сўзлари билан алмаштирилсин;

учинчи хатбошидаги «уй-жой мулкдорлари ширкатлари», «уй-жой мулкдорлари ширкатларига» сўзлари тегишли равишда «хусусий уй-жой мулкдорлари ширкатлари», «хусусий уй-жой мулкдорлари ширкатларига» сўзлари билан алмаштирилсин;

б) 3-банддаги «уй-жой мулкдорлари ширкатларига» сўзлари «хусусий уй-жой мулкдорлари ширкатларига» сўзлари билан алмаштирилсин;

в) 6-бандда:

иккинчи хатбошидаги «уй-жой мулкдорлари ширкатлари» ва «фойдаланиш харажатларига» сўзлари тегишли равишда «хусусий уй-жой мулкдорлари ширкатлари» ва «умумий харажатларга» сўзлари билан алмаштирилсин;

учинчи хатбошидаги «уй-жой мулкдорлари ширкатлари» сўзлари «хусусий уй-жой мулкдорлари ширкатлари» сўзлари билан алмаштирилсин;

г) 1-иловининг кириш қисмидаги «Уй-жой мулкдорлари ширкати» сўзлари «Хусусий уй-жой мулкдорлари ширкати» сўзлари билан алмаштирилсин.

6. Вазирлар Маҳкамасининг «Олий ўқув юртларида тўлов-контракт асосида ўқиш учун таълим кредитлари бериш тўғрисида» 2001 йил 26 июлдаги 318-сон қарори (Ўзбекистон Республикаси ҚТ, 2001 й., 7-сон, 43-модда) 9-бандининг «в» кичик бандидаги «уй-жой мулкдорлари ширкатлари» сўзлари «хусусий уй-жой мулкдорлари ширкатлари» сўзлари билан алмаштирилсин.

7. Вазирлар Маҳкамасининг «Нотариусларнинг ижро хатларига асосан қарзни ундириш сўзсиз амалга ошириладиган ҳужжатлар рўйхатини тасдиқлаш тўғрисида» 2002 йил 18 январдаги 26-сон қарорига (Ўзбекистон Республикаси ҚТ, 2002 й., 1-сон, 4-модда) илованинг V бўлимида:

а) бўлимнинг номидаги ва 7-банднинг биринчи хатбошидаги «таъмирлаш-фойдаланиш харажатлари» сўзлари «умумий харажатлар» сўзлари билан алмаштирилсин;

б) 8-бандда:

биринчи хатбошидаги «таъмирлаш-фойдаланиш харажатлари» ва «техник хизмат кўрсатиш ва уй-жойни таъмирлашга», «сақлаш ва ундан фойдаланиш харажатларига» сўзлари тегишли равишда «умумий харажатлар» ва «уй-жойни бошқариш, унга хизмат кўрсатиш ва уни таъмирлашга», «сақлаш харажатларига» сўзлари билан алмаштирилсин;

бешинчи хатбошидаги «техник хизмат кўрсатиш» сўзлари «бошқариш» сўзи билан алмаштирилсин.

8. Вазирлар Маҳкамасининг «Электр ва иссиқлик энергиясидан фойдаланиш қондаларини тасдиқлаш тўғрисида» 2005 йил 27 январдги 32-сон қарорига (Ўзбекистон Республикаси ҚТ, 2005 й., 1-сон, 4-модда) 1-иловада:

а) илованинг номидаги, XII бўлимнинг 97—99-бандларидаги, 103-банди биринчи хатбошидаги, 106-банди биринчи ва иккинчи хатбошидаги, 107 ва 109-бандларидаги «уй-жой мулкдорлари ширкатлари», «уй-жой мулкдорлари ширкати» сўзлари тегишли равишда «хусусий уй-жой мулкдорлари ширкатлари», «хусусий уй-жой мулкдорлари ширкати» сўзлари билан алмаштирилсин;

б) XIII бўлимда:

118-банднинг биринчи хатбошидаги «бир ойдан» сўзлари «уч ойдан» сўзлари билан алмаштирилсин;

129-банд қуйидаги таҳрирда баён қилинсин:

«129. Майший абонентлар тўлов бўйича бир ва ундан кўп ой учун қарз мавжуд бўлганда тўлов муддати ўтган ҳар бир кун учун 0,1 фоиз миқдорида, лекин муддати ўтган тўлов суммасининг 50 фоизидан кўп бўлмаган миқдорда пеня тўлайдилар».

9. Вазирлар Маҳкамасининг «Эгасиз турар жойларни аниқлаш, уларни ҳисобга олиш ва давлат мулкига ўтказиш тартиби тўғрисидаги низомни тасдиқлаш ҳақида» 2006 йил 21 январдаги 8-сон қарорига (Ўзбекистон Республикаси ҚТ, 2006 й., 1-сон, 4-модда) илованинг 1-бандидаги, 4-бандининг «а» ва «б» кичик бандларидаги, 5-бандининг биринчи ва иккинчи хатбошидаги, 6-бандининг иккинчи хатбошидаги, 7-бандининг иккинчи хатбошидаги, 9-бандидаги, 12-бандининг учинчи хатбошидаги,

15-бандининг иккинчи хатбошидаги ҳамда 19-бандидаги «уй-жой мулкдорлари ширкатлари», «уй-жой мулкдорлари ширкатларининг», «уй-жой мулкдорлари ширкати», «уй-жой мулкдорлари ширкатининг» сўзлари тегишли равишда «хусусий уй-жой мулкдорлари ширкатлари», «хусусий уй-жой мулкдорлари ширкатларининг», «хусусий уй-жой мулкдорлари ширкати», «хусусий уй-жой мулкдорлари ширкатининг» сўзлари билан алмаштирилсин.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

86 **Транспорт воситалари ҳайдовчилари ва йўловчилари хавфсизлигини таъминлаш чора-тадбирлари тўғрисида**

«Йўл ҳаракати хавфсизлиги тўғрисида»ги Ўзбекистон Республикаси Қонунига мувофиқ, шунингдек фуқаролар ҳаёти ва саломатлигини муҳофаза қилиш, йўл ҳаракати хавфсизлигини таъминлаш, йўл-транспорт ҳодисаларининг оғир оқибатларини бартараф этиш мақсадида Вазирлар Маҳкамаси **қарор қилади:**

1. 2007 йил 1 июлдан бошлаб конструкциясида хавфсизлик камарлари назарда тутилган транспорт воситалари ҳаракатланиб бораётганда ҳайдовчилар ва йўловчилар томонидан хавфсизлик камарларидан мажбурий фойдаланиш жорий этилсин.

2. Ўзбекистон Республикаси Ички ишлар вазирлиги:

Ўзбекистон Республикаси Адлия вазирлиги, бошқа манфаатдор вазирликлар ва идоралар билан биргаликда ўн кун муддатда Ўзбекистон Республикасининг Маъмурий жавобгарлик тўғрисидаги кодексига тегишли ўзгартириш ва қўшимчалар киритиш ҳақида Вазирлар Маҳкамасига таклифлар киритсин;

бир ой муддатда ўз норматив ҳужжатларини мазкур қарорга мувофиқлаштирсин; ушбу қарорнинг талабларини автотранспорт воситалари ҳайдовчилари ҳамда аҳоли эътиборига белгиланган тартибда етказилишини, улар ўртасида, шу жумладан оммавий ахборот воситалари орқали зарур тушунтириш ишлари олиб борилишини таъминласин.

3. Вазирлар Маҳкамасининг 2000 йил 11 декабрдаги 472-сон қарори (Ўзбекистон Республикаси ҚТ, 2000 й., 12-сон, 75-модда) билан тасдиқланган Йўл ҳаракати қоидаларига 2007 йил 1 июлдан бошлаб иловага мувофиқ ўзгартириш ва қўшимчалар киритилсин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Н.М. Ханов зиммасига юклансин.

Ўзбекистон Республикасининг
Бош вазири

Ш. МИРЗИЁЕВ

Тошкент ш.,
2007 йил 6 март,
44-сон

Ўзбекистон Республикаси қонун ҳужжатлари тўплами, 2007 й.

Вазирлар Маҳкамасининг
2007 йил 6 мартдаги 44-сон қарорига
ИЛОВА

Йўл ҳаракати қоидаларига киритилаётган ўзгартириш ва қўшимчалар

1. 3.3-банд қуйидаги таҳрирда баён қилинсин:

«3.3. Конструкциясида хавфсизлик камарлари назарда тутилган транспорт воситаси ҳаракатланиб бораётганда ҳайдовчи хавфсизлик камари тақиб олиши ва хавфсизлик камарлари тақилмаган йўловчиларни ташимаслиги шарт. Қуйидагиларга хавфсизлик камари тақмасликка рухсат берилади:

Қоидаларнинг 25.8-бандига мувофиқ орқа ўриндиқдаги 12 ёшгача бўлган болалар;

транспорт воситасини ҳайдовчиликка ўқиётган ўқувчи бошқараётганда бошқаришни ўргатаётган шахс;

хомиладор аёллар, саломатлиги хавфсизлик камари тақиш имконини бермайдиган бемор йўловчилар;

орқага ҳаракатни амалга ошираётган ҳайдовчилар;

аҳоли пунктларида ҳаракатланишда — йўналиш таксилари ҳайдовчилари, таксининг орқа ўриндиқдаги йўловчилар;

аҳоли пунктларида — ташқи қисмига тегишли рангли график схемалар чизилган махсус транспорт воситалари ҳайдовчилари ва йўловчилари.

Мотоциклни бошқараётганда ҳайдовчи тугмаланган махсус бош кийими кийиши ва тугмаланган махсус бош кийими киймаган йўловчиларни ташимаслиги керак».

2. 6.1-банд қуйидаги таҳрирда баён қилинсин:

«6.1. Йўловчилар транспорт воситасига фақат у тўлиқ тўхтагандан сўнг тротуар ёки йўл ёқаси томонидан чиқишга ва тушишга мажбурдирлар. Йўловчиларнинг транспорт воситаларидан тротуар ёки йўл ёқаси томонидан тушиши ёки уларга чиқишининг иложи бўлмаган ҳолларда у йўлнинг қатнов қисми томондан амалга оширилиши мумкин, бунда бошқа йўл ҳаракати қатнашчиларига ҳалақит берилмаслиги ва хавф туғдирилмаслиги керак.

Хавфсизлик камарлари билан жиҳозланган транспорт воситасида юришда йўловчилар хавфсизлик камари таққан бўлишлари (Қоидаларнинг 3.3-бандида назарда тутилган ҳоллардан ташқари), мотоциклда юрганда эса тугмаланган махсус бош кийими кийишлари шарт».

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**87 «Кейс Нью-Холланд» компаниясининг универсал-
хайдов тракторлари узеллари ва деталларини ишлаб
чиқаришни маҳаллийлаштиришни чуқурлаштириш чора-тад-
бирлари тўғрисида**

«Ўзқишлоқхўжаликмаш-холдинг» холдинг компаниясининг «ЎзКейсТрактор» қўшма корхонаси томонидан «Кейс Нью-Холланд» компаниясининг тракторлар балансировкаси ва хавфсизлиги тизимини, шунингдек қишлоқ хўжалиги асбоб-ускуналари билан агрегатлаш учун осма ва тиркама асбоб-ускуналар тизимини ишлаб чиқариш маҳаллийлаштирилган.

Шу билан бирга, бутловчи буюмлар ишлаб чиқаришни амалга оширишда мамлакатимиз ишлаб чиқарувчилари салоҳиятидан тўлиқ даражада фойдаланилмади.

Маҳаллий хом ашё негизида тайёр маҳсулот, бутловчи буюмлар ва материаллар ишлаб чиқаришни маҳаллийлаштириш Дастурини, шу жумладан рақобатбардош маҳсулот ишлаб чиқаришни таъминловчи иштирокчи корхоналар сонини кенгайтириш йўли билан янада мақбуллаштириш мақсадида, шунингдек Ўзбекистон Республикаси Президентининг «2006–2008 йилларда маҳаллий хом ашё негизида тайёр маҳсулот, бутловчи буюмлар ва материаллар ишлаб чиқаришни маҳаллийлаштириш Дастури тўғрисида» 2006 йил 22 июндаги ПҚ–386-сон қарорига ҳамда Вазирлар Маҳкамасининг 2004 йил 13 августдаги 391-сон қарорига мувофиқ Вазирлар Маҳкамаси **қарор қилади:**

1. Иқтисодиёт вазирлиги ва «Ўзқишлоқхўжаликмаш-холдинг» холдинг компанияси томонидан ишлаб чиқилган, 2008 йилда маҳаллийлаштириш даражасини 34 фоизгача етказишни таъминлайдиган «Кейс Нью-Холланд» компаниясининг универсал-хайдов тракторлари узеллари ва деталларини ишлаб чиқаришни маҳаллийлаштиришни чуқурлаштириш бўйича тадбирлар 1-иловага* мувофиқ маъқуллансин.

2. «Кейс Нью-Холланд» компаниясининг универсал-хайдов тракторлари узеллари ва деталларини ишлаб чиқаришни маҳаллийлаштиришни чуқурлаштириш бўйича тадбирларнинг бажарилишини сўзсиз таъминлаш юзасидан шахсий жавобгарлик «Ўзқишлоқхўжаликмаш-холдинг» холдинг компанияси бошқаруви раиси зиммасига юклансин.

3. Маҳаллий хом ашё негизида тайёр маҳсулот, бутловчи буюмлар ва материаллар ишлаб чиқаришни маҳаллийлаштириш Дастури амалга оширилишини таъминлаш бўйича Махсус комиссиянинг:

Ўзбекистон Республикаси Президентининг 2006 йил 22 июндаги ПҚ–386-сон қарори билан маъқулланган Тайёр маҳсулот турлари, материаллар ва хом ашё ишлаб чиқаришни маҳаллийлаштириш лойиҳалари рўйхатига «Кейс Нью-Холланд» компаниясининг универсал-хайдов тракторларини ишлаб чиқариш бўйича лойиҳани киритиш йўли билан 2-иловага* мувофиқ қўшимчалар киритиш тўғрисидаги;

2007 йил учун белгиланган маҳаллийлаштириш даражаси бажарилган тақдирда 2008 йилда кўрсатиб ўтилган лойиҳа муддатини узайтириш тўғрисидаги таклифи қабул қилинсин.

4. Ўзбекистон Республикаси Президентининг 2006 йил 22 июндаги ПҚ–386-сон қарори 2-бандига мувофиқ «ЎзКейсТрактор» ва «ЎзКейсМаш» қўшма корхоналари-

* 1-2-иловалар берилмади.

га 2009 йил 1 январгача бўлган муддатда солиқлар ва божхона тўловлари бўйича имтиёзлар берилганлиги маълумот учун қабул қилинсин.

5. «ЎзКейсТрактор» ва «ЎзКейсМаш» қўшма корхоналарининг 2007-2008 йилларда «Кейс Нью-Холланд» компаниясининг 250 та универсал-ҳайдов тракторини, шунингдек 180 та «Кейс-1200» пневматик универсал сеялкани Ўзбекистон Республикаси Президентининг 2006 йил 22 июндаги ПҚ-386-сон қарори билан берилган солиқлар ва божхона тўловлари бўйича имтиёзлар суммаси доирасида камайтирилган амалдаги қийматидан паст нарх бўйича сотиш тўғрисидаги таклифи маъқуллансин.

6. «ЎзКейсТрактор» ва «ЎзКейсМаш» қўшма корхоналарига Ўзбекистон Республикаси Президентининг 2006 йил 22 июндаги ПҚ-386-сон қарори доирасида солиқлар ва божхона тўловлари бўйича имтиёзлар бериш натижасида бўшайдиган маблағларни ушбу қарорнинг 5-бандида кўрсатилган маҳсулотларнинг амалдаги қиймати ва уларни сотиш нархи ўртасидаги тафовутларни қоплаш учун йўналтиришига рухсат этилсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Э.Р. Шаисматов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2007 йил 9 март,
46-сон

+

—

БЕШИНЧИ БЎЛИМ

ЎЗБЕКИСТОН РЕСПУБЛИКАСИ ҚИШЛОҚ ВА СУВ
ХЎЖАЛИГИ ВАЗИРИНИНГ
БҲЙРУҒИ

**88 Уруғлик донни қабул қилиш, тайёрлаш, дорилаш,
тарқатиш ва сифатини назорат қилиш тартиби тўғри-
сидаги йўриқномага ўзгартиш ва қўшимчалар кири-
тиш ҳақида**

*Ўзбекистон Республикаси Адлия вазирлиги томонидан 2007 йил
27 февралда 1499-1-сон билан давлат рўйхатидан ўтказилди*

(2007 йил 9 мартдан кучга киради)

Ўзбекистон Республикаси Вазирлар Маҳкамасининг 2006 йил 25 майдаги «Дон ва донни қайта ишлаш махсулотлари ҳисобини юритиш тизимини такомиллаштиришга, уларнинг сақланиши устидан назоратни кучайтиришга доир қўшимча чоратадбирлар тўғрисида»ги 95-сон қарорининг ижросини таъминлаш мақсадида **бую-**

раман:

1. Ўзбекистон Республикаси қишлоқ ва сув хўжалиги вазирининг 2005 йил 20 июлдаги 160-сон бўйруғи билан тасдиқланган «Уруғлик донни қабул қилиш, тайёрлаш, дорилаш, тарқатиш ва сифатини назорат қилиш тартиби тўғрисидаги йўриқнома»га (2005 йил 29 июль, рўйхат рақами 1499) иловага мувофиқ ўзгартиш ва қўшимчалар киритилсин.

2. Мазкур бўйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтганидан кейин кучга киради.

3. Ушбу бўйруқнинг ижросини назорат қилиш вазир ўринбосари О. Оллабергенов зиммасига юклатилсин.

Қишлоқ ва сув хўжалиги вазири

С. ИСМОИЛОВ

Тошкент ш.,
2007 йил 3 февраль,
19-сон

Қишлоқ ва сув хўжалиги вазирининг
2007 йил 3 февралдаги 19-сон буйруғига
ИЛОВА

**Уруғлик донни қабул қилиш, тайёрлаш, дорилаш, тарқатиш ва
сифатини назорат қилиш тартиби тўғрисида йўриқномага
киритилаётган ўзгартиш ва қўшимчалар**

1. 50-банд қуйидаги таҳрирда баён қилинсин:

«50. Уруғлик дон етиштирувчилари томонидан топширилган уруғлик маҳсулотларни харид қилишда, дон қабул қилиш корхонаси лабораторияси томонидан уруғлик маҳсулотдан кондицион уруғлик ва иккинчи даражали маҳсулот, яъни дон чиқиндисининг (1000 дона уруғлик доннинг оғирлиги ва намлигини ҳисобга олган ҳолда) чиқиш фоизи аниқланади.»

2. 100-банддаги «(91-сонли шакл, Ўзбекистон Республикаси Вазирлар Маҳкамасининг 2001 йил 20 мартдаги 137-сонли қарори билан тасдиқланган «Дон ва донни қайта ишлаш маҳсулотлари билан операциялар ҳисобини юритиш ва расмийлаштириш бўйича йўриқнома») сўзлари «(91-шакл, Ўзбекистон Республикаси Вазирлар Маҳкамасининг 2006 йил 25 майдаги 95-сон қарори билан тасдиқланган «Дон ва дон маҳсулотларини қабул қилиш, сақлаш, ички ташиш, қайта ишлаш ва сотишнинг дастлабки ҳисобини юритиш ва расмийлаштириш тартиби тўғрисида низом») сўзлари билан алмаштирилсин.

3. 107-банд қуйидаги таҳрирдаги хатбоши билан тўлдирилсин:

«Навли уруғларнинг ҳар бир туркумини беришда қуйидаги ҳужжатлар расмийлаштирилади:

а) Уруғликка аттестат (86-шакл) — барча ўсимликларнинг элита уруғига ва суперэлитасига, шунингдек маккажўхорининг ўзидан-ўзи чангланган линиялари уруғига;

б) Уруғликка гувоҳнома (85-шакл) — қолган барча репродукциялар уруғига;

в) Маккажўхорининг гибрид уруғларига гувоҳнома (84-шакл) — маккажўхорининг гибрид уруғларига.»

4. 109-банддаги «(21-сон шакл, Ўзбекистон Республикаси Вазирлар Маҳкамасининг 2001 йил 20-мартдаги 137-сонли қарори билан тасдиқланган «Дон ва донни қайта ишлаш маҳсулотлари билан операциялар ҳисобини юритиш ва расмийлаштириш бўйича йўриқнома») сўзлари «(21-шакл, Ўзбекистон Республикаси Вазирлар Маҳкамасининг 2006 йил 25 майдаги 95-сон қарори билан тасдиқланган «Дон ва дон маҳсулотларини қабул қилиш, сақлаш, ички ташиш, қайта ишлаш ва сотишнинг дастлабки ҳисобини юритиш ва расмийлаштириш тартиби тўғрисида низом») сўзлари билан алмаштирилсин.

Мазкур ўзгартиш ва қўшимчалар келишилган:

*Молия вазирининг биринчи
ўринбосари*

Б. АШРАФХОНОВ

*Тошкент ш.,
2007 йил 1 февраль*

Иқтисодиёт вазири

Б. ХЎЖАЕВ

*Тошкент ш.,
2007 йил 1 февраль*

*«Ўзстандарт» агентлиги бош
директори*

Р. БЎРИЕВ

*Тошкент ш.,
2007 йил 2 февраль*

«Ўздонмахсулот» АК раиси

Э. ҚУДРАТОВ

*Тошкент ш.,
2007 йил 1 февраль*

*«Ўздавуруғназоратмаркази»
бошлиги*

А. АБДУСАТТАРОВ

*Тошкент ш.,
2007 йил 5 февраль*

«Ўздавдонинспекцияси» бошлиги

Р. АКБАРОВ

*Тошкент ш.,
2007 йил 5 февраль*

РАТБ «Ғаллабанк» бошқаруви раиси

Ш. ТОШМУРОДОВ

*Тошкент ш.,
2007 йил 5 февраль*

ЎЗБЕКИСТОН РЕСПУБЛИКАСИ ҚИШЛОҚ ВА СУВ
ХЎЖАЛИГИ ВАЗИРИНИНГ
БҲЙРУҒИ

89 Донни қабул қилиш ва қишлоқ хўжалиги ишлаб
чиқарувчилари билан ҳисоб-китоб тартиби бўйича
йўриқномага ўзгартиш ва қўшимчалар киритиш
ҳақида

*Ўзбекистон Республикаси Адлия вазирлиги томонидан 2007 йил
27 февралда 936-1-сон билан давлат рўйхатидан ўтказилди*

(2007 йил 9 мартдан кучга киради)

Ўзбекистон Республикаси Вазирлар Маҳкамасининг 2006 йил 25 майдаги «Дон ва донни қайта ишлаш маҳсулотлари ҳисобини юритиш тизимини такомиллаштиришга, уларнинг сақланиши устидан назоратни кучайтиришга доир қўшимча чоратадбирлар тўғрисида»ги 95-сон қарорининг ижросини таъминлаш мақсадида **буюраман:**

1. Ўзбекистон Республикаси Қишлоқ ва сув хўжалиги вазирининг 2000 йил 6 июндаги 160-сон бўйруғи билан тасдиқланган «Донни қабул қилиш ва қишлоқ хўжалиги ишлаб чиқарувчилари билан ҳисоб-китоб тартиби бўйича йўриқнома»га (2000 йил 20 июнь, рўйхат рақами 936) иловага* мувофиқ ўзгартиш ва қўшимчалар киритилсин.

2. Мазкур бўйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб 10 кун ўтганидан кейин кучга киради.

3. Ушбу бўйруқнинг ижросини назорат қилиш вазир ўринбосари О. Олаберганов зиммасига юклатилсин.

Қишлоқ ва сув хўжалиги вазири

С. ИСМОИЛОВ

Тошкент ш.,
2007 йил 6 февраль,
22-сон

* Илова рус тилидаги матнда берилган.

ЎЗБЕКИСТОН «ЎЗКОММУНХИЗМАТ» АГЕНТЛИГИ
БОШ ДИРЕКТОРИНИНГ
БУЙРУҒИ

90 **Хусусий уй-жой мулкдорларининг ширкатлари ва коммунал хизматлар кўрсатувчилар ўртасида мулкнинг бўлиниш чегаралари ҳамда муҳандислик коммуникацияларини сақлаш учун жавобгарлик тўғрисидаги низомни тасдиқлаш тўғрисида**

*Ўзбекистон Республикаси Адлия вазирлиги томонидан 2007 йил
27 февралда 1659-сон билан давлат рўйхатидан ўтказилди*

(2007 йил 9 мартдан кучга киради)

Ўзбекистон Республикаси Вазирлар Маҳкамасининг 2006 йил 12 апрелдаги 64-сонли «Хусусий уй-жой мулкдорларининг ширкатларини янада ривожлантириш ва турар-жойларга хизматлар кўрсатишнинг аниқ бозорини шакллантириш чора-тадбирлари» тўғрисидаги қарорига мувофиқ **буюраман:**

1. Хусусий уй-жой мулкдорларининг ширкатлари ва коммунал хизматлар кўрсатувчилар ўртасида мулкнинг бўлиниш чегаралари ҳамда муҳандислик коммуникацияларини сақлаш учун жавобгарлик тўғрисидаги низом иловага мувофиқ тасдиқлансин.

2. Мазкур буйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгач кучга киради.

3. Мазкур буйруқнинг бажарилишини назорат қилиш Бош директорнинг ўринбосари О.Ю. Ахмедов зиммасига юклансин.

**Ўзбекистон «Ўзкоммунхизмат»
агентлиги бош директори**

У. ХАЛМУХАМЕДОВ

Тошкент ш.,
2007 йил 12 февраль,
11-сон

Ўзбекистон «Ўзкоммунхизмат»
агентлиги Бош директорининг 2007 йил
12 февралдаги 11-сон буйруғи билан
ТАСДИҚЛАНГАН

**Хусусий уй-жой мулкдорларининг ширкатлари ва коммунал
хизматлар кўрсатувчилар ўртасида мулкнинг бўлиниш
чегаралари ҳамда муҳандислик коммуникацияларини сақлаш
учун жавобгарлик тўғрисидаги
НИЗОМ**

Ушбу Низом Ўзбекистон Республикаси Вазирлар Маҳкамасининг 2006 йил 12 апрелдаги «Хусусий уй-жой мулкдорларининг ширкатларини янада ривожланти-

риш ва турар жойларга хизматлар кўрсатишнинг аниқ бозорини шакллантириш чоратадбирлари тўғрисида»ги 64-сон қарорига (Ўзбекистон Республикаси қонун ҳужжатлари тўплами, 2006 йил 15-сон, 127-модда) асосан хусусий уй-жой мулкдорларининг ширкатлари ва коммунал хизматлар кўрсатувчилар (совуқ сув ва иссиқ сув таъминоти, сувоқова (канализациялар), иссиқлик (иссиқлик таъминоти), электр таъминоти ва газ таъминоти хизматларини кўрсатувчи корхоналар) ўртасида мулкнинг бўлиниш чегаралари ҳамда муҳандислик коммуникацияларини сақлаш учун жавобгарликни тартибга солади.

I. Умумий қоидалар

1. Кўп квартирали уйларда муҳандислик тизимларини (истеъмолчиларга коммунал хизматлар кўрсатишдаги муҳандислик тармоқлари, қурилма ва жиҳозларини) сақлаш учун жавобгарлик чегаралари бириктирилган тармоқлар орқали коммунал хизматларини кўрсатувчилар билан хусусий уй-жой мулкдорларининг ширкатлари ўртасида мулкчилик ёки эгалик ҳуқуқи асосида қонунчиликка мувофиқ белгиланади.

2. Коммунал хизматлар кўрсатувчи (кейинги ўринларда матнда етказиб берувчи деб юритилади) муҳандислик тизимларига, жумладан муниципал мулк ҳисобланган магистрал тармоқларига, хўжалик юритиш ёки оператив бошқариш ҳуқуқи асосида эгалик қилади.

3. Жойлашуви бўйича уйларнинг ташқарисида ёки ичкарисида ва биттадан ортиқ хонадонга хизмат кўрсатаётган уйларнинг ички муҳандислик тармоқлари ва коммуникациялари, механик, электр, санитар-техник ва бошқа жиҳоз ва қурилмаларига (кейинги ўринларда матнда уйларнинг умумий муҳандислик тизимлари деб юритилади) кўп квартирали уйлардаги (турар ва нотурар) хонадон мулкдорларига умумий мулкчилик ҳуқуқи асосида тегишли.

4. Умумий муҳандислик тизимларини сақлаш ушбу мулкдан фойдаланишга зарур бўлган шароитларни яратиш ва уни сақлашга йўналтирилган бошқариш, техник ва санитар ҳолатини сақлаш (хизмат қилиш), таъмирлаш ва бошқа фаолиятларни ўз ичига олади.

5. Етказиб берувчи ўзининг хўжалик юритиш ёки оператив бошқарувида бўлган муҳандислик тизимларининг техник ҳолатини зарур даражада сақланиши ҳамда кўрсатаётган коммунал хизматларнинг белгиланган сифатини таъминлаш учун масъулдир.

Газ таъминоти бўйича етказиб берувчи кўп квартирали уйларда газ тармоқлари ва газ хўжаликларининг сақланиши, уларнинг доимий равишда соз ҳолатда бўлиши ва техник жиҳатдан юқори тайёргарликка эга бўлишида масъул, шунингдек газдан фойдаланишда хавфсизликни таъминлайди.

6. Уйларнинг умумий муҳандислик тизимларининг техник ҳолати устидан техник назорат етказиб берувчи томонидан кўздан кечириш йўли билан амалга оширилади.

7. Хусусий уй-жой мулкдорлари ширкатлари (кейинги ўринларда матнда ХУЖМШ деб юритилади) хонадон эгалари томонидан уйнинг умумий мулкчини сақлаб туриш учун тўланадиган мажбурий тўловлар ҳисобидан, белгиланган қоидалар ва ХУЖМШ аъзоларининг умумий мажлиси қарорларига мувофиқ уйларнинг умумий муҳандислик тизимларига (газ таъминоти тармоқлар тизими бундан мустасно) сифатли хизмат кўрсатилишини таъминлаш учун масъулдир.

**II. Коммунал етказиб берувчилар билан хусусий уй-жой
мулкдорлари ширкатлари ўртасида муҳандислик
коммуникацияларнинг тегишлилиги бўйича бўлиниш чегаралари**

8. Иссиқлик ва иссиқ сув таъминоти мақсадларидаги иссиқлик энергияси етказиб берувчисига тегишли бўлган кўп квартирали уйлардаги иссиқлик тармоқлари ва иссиқлик пунктларини (бошқарув шоҳобчалари) ўз ичига олган марказлашган иссиқлик таъминоти тизими ва марказлашган иссиқлик таъминоти умумий муҳандислик тизимлари ўртасида муҳандислик коммуникацияларининг бўлиниш чегаралари иссиқлик пункти (бошқарув шоҳобчаси)дан сўнг иссиқлик ва иссиқ сув таъминоти тизимларининг бош зулфинлари ҳисобланади.

Иссиқлик ва иссиқ сув таъминоти тизимларининг бош зулфинлари умумий уй тизимларининг бир қисмидир.

9. Совуқ сув таъминоти етказиб берувчисига тегишли бўлган совуқ сув таъминоти тизими ва совуқ сув таъминоти тизимининг умумий муҳандислик тизимлари ўртасидаги бўлиниш чегаралари кириш шоҳобчасининг чиқиш зулфи ва ёнғинга қарши зулфинлари ҳисобланади. Чиқиш ва ёнғинга қарши зулфинлар умумий уй тизимларининг бир қисмидир.

10. Канализация оқоваларини қайтариш бўйича етказиб берувчига тегишли бўлган сув қайтариш (канализация) тизими ва умумий муҳандислик тизимлари ўртасидаги чегара умумий муҳандислик тизимидан уйдан биринчи қудуққа чиқариш чиқиши ҳисобланади.

11. Электр таъминоти корхонасига (электр етказиб берувчи) тегишли бўлган электр таъминоти тизими ва электр таъминотининг умумий уй тизими ўртасидаги бўлиниш чегараси:

а) кабел киритилган ҳолда, кўп квартирали уйнинг кириш-таксимлаш қурилмасига кираётган тўйинтираётган кабел пойнаклари;

б) ҳаволи тармоқланиш ҳолларида, бино ёки труба тиргагичида ўрнатилган биринчи ажратгичлар.

III. Якунловчи қоидалар

12. Ушбу Низом Ўзбекистон Республикаси Монополиядан чиқариш, рақобат ва табдиркорликни қўллаб-қувватлаш давлат қўмитаси, Давлат архитектура ва қурилиш қўмитаси, «Ўзбекэнерго» Давлат акциядорлик компанияси, «Ўзтрансгаз» акциядорлик компанияси ва Тошкент шаҳар уй-жой мулкдорлари ширкатларининг уюшмаси билан келишилган.

*Монополиядан чиқариш, рақобат ва
табдиркорликни қўллаб-қувватлаш
давлат қўмитаси раиси в.б.*

Б. УЛАШОВ

*Тошкент ш.,
2007 йил 5 февраль*

*Давлат архитектура ва қурилиш
қўмитаси раиси*

А. ТОХТАЕВ

*Тошкент ш.,
2007 йил 5 февраль*

*«Ўзбекэнерго» Давлат акциядорлик
компанияси бошқарув раиси*

Б. ТЕШАБАЕВ

*Тошкент ш.,
2007 йил 5 февраль*

*«Ўзтрансгаз» акциядорлик
компанияси Бош директори*

И. ВАГАПОВ

*Тошкент ш.,
2007 йил 5 февраль*

*Тошкент шаҳар уй-жой мулкдорлари
шirkатларининг уюшмаси раиси*

А. МИРДЖАЛИЛОВ

*Тошкент ш.,
2007 йил 5 февраль*

+

ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ
ДАВЛАТ ҚЎМИТАСИНING
ҚАРОРИ

—

91 **Профессионал баҳоловчига қўйиладиган малака талаблари тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2007 йил
2 мартда 1660-сон билан давлат рўйхатидан ўтказилди*

(2007 йил 12 мартдан кучга киради)

Ўзбекистон Республикасининг «Баҳолаш фаолияти тўғрисида»ги Қонунига ва Ўзбекистон Республикаси Вазирлар Маҳкамасининг «Баҳолаш фаолиятини лицензиялаш тўғрисида» 2003 йил 8 майдаги 210-сонли қарорига мувофиқ, Ўзбекистон Республикаси Давлат мулкни бошқариш давлат қўмитаси **қарор қилади:**

1. Профессионал баҳоловчига қўйиладиган малака талаблари тўғрисидаги низом иловага мувофиқ тасдиқлансин.
2. Мазкур қарор Ўзбекистон Республикаси Адлия вазирлигида давлат рўйхатидан ўтказилгандан сўнг, ўн кундан кейин кучга киради.

**Давлат мулкни бошқариш
давлат қўмитаси раиси**

Д. МУСАЕВ

*Тошкент ш.,
2006 йил 1 декабрь,
01/19-18/05-сон*

Давлат мулки қўмитасининг
2006 йил 1 декабрдаги 01/19-18/05-сон
қарори билан
ТАСДИҚЛАНГАН

**Профессионал баҳоловчига қўйиладиган малака
талаблари тўғрисида
НИЗОМ**

Мазкур Низом, Ўзбекистон Республикасининг «Баҳолаш фаолияти тўғрисида»ги Қонуни ва Ўзбекистон Республикаси Вазирлар Маҳкамасининг «Баҳолаш фаолиятини лицензиялаш тўғрисида»ги 2003 йил 8 майдаги 210-сон қарорига мувофиқ, профессионал баҳоловчига қўйиладиган малака талабларини белгилайди ва профессионал баҳоловчи аттестатини олиш учун аттестация (қайта аттестация)дан ўтишга ҳужжатларни тақдим этиш пайтида юридик шахсларнинг асосий иш жойи бўйича штатдаги ходимлари сифатида фаолият юритаётган профессионал баҳоловчиларга ҳамда якка тартибдаги тадбиркорларга татбиқ этилади.

1. Мазкур Низомда қуйидаги тушунчалардан фойдаланилади:

баҳолаш ташкилоти — қонунчиликда белгиланган тартибда баҳолаш фаолиятини амалга оширувчи юридик шахс;

профессионал баҳоловчи — баҳоланадиган объект қийматини белгилашни бевосита амалга оширадиган жисмоний шахс;

баҳолаш фаолиятини тартибга солувчи ваколатли давлат органи — Ўзбекистон Республикаси Давлат мулкини бошқариш давлат қўмитаси;

ўқув маркази — баҳолаш фаолиятини тартибга солувчи ваколатли давлат органи томонидан тасдиқланган баҳолаш фаолияти соҳасига оид дастурлар бўйича мутахассисларни тайёрлаш (малакасини ошириш)ни амалга оширувчи ташкилот.

2. Профессионал баҳоловчи қуйидаги малака талабларига жавоб бериши керак:

а) иқтисодий, юридик ёки техник маълумотга ҳамда охирги ўн йил ичида баҳолаш фаолияти соҳасида камида бир йиллик иш стажига ёки бухгалтерия ҳисоби ва аудиторлик соҳасида камида икки йиллик иш стажига эга бўлиши;

ёхуд олий маълумотга ҳамда охирги ўн йил ичида баҳолаш фаолияти соҳасида камида икки йиллик иш стажига ёки бухгалтерия ҳисоби ва аудит соҳасида камида уч йиллик иш стажига эга бўлиши;

ёхуд иқтисод, юридик ёки техник фанлари номзоди (доктори) илмий даражаларига эга бўлиши;

якка тартибдаги тадбиркор учун — иқтисодиёт мутахассислиги бўйича олий маълумотга эга бўлиши ҳамда баҳоловчи сифатида камида беш йил иш стажига эга бўлиши;

б) ўқув марказларида таълим олганлиги, бунда ўқиш муддати тугаган санадан бошлаб уч йилдан ортиқ вақт ўтмаган бўлиши керак;

бошқа мамлакатларда баҳолаш бўйича тегишли курсларни тугатганлиги тўғрисида чет эл мамлакатининг халқаро даражадаги сертификатлари мавжуд бўлса ва ўқиш муддати тугаган санадан бошлаб шу вақтга қадар уч йилдан ортиқ муддат ўтмаган тақдирда, ўқув марказларида таълим олган бўлиши шарт эмас;

в) профессионал баҳоловчи аттестатига эга бўлгандан сўнг, кейинги йилдан бошлаб ҳар йили ўқув марказларида малака ошириш дастурлари асосида йиллик ҳажми олтмиш соатдан кам бўлмаган ҳажмдаги ўқув курсларда таълим олиши;

бошқа мамлакатларда ўқув курсларининг йиллик ҳажми олтмиш соатдан кам

бўлмаган ҳолда (профессионал баҳоловчи аттестатига эга бўлгандан сўнг, кейинги йилдан бошлаб) малака ошириш бўйича тегишли курсларни тугатганлиги тўғрисида чет эл мамлакатининг халқаро даражадаги сертификатларига эга бўлган тақдирда, ўқув марказларида малака ошириш бўйича таълим олиниши шарт эмас;

г) баҳолаш фаолиятини тартибга солувчи ваколатли давлат органи томонидан белгиланган тартибда бериладиган профессионал баҳоловчи аттестатига эга бўлиши;

д) ишчанлик обрўсига путур етмаган бўлиши керак.

Бунда, ишчанлик обрўсига путур етганлар — корхона, муассаса ва ташкилотларда суд белгилаган муддат мобайнида баҳолаш ёки молиявий-хўжалик фаолияти билан шуғулланиш ҳуқуқидан, ёхуд яқка тартибдаги тадбиркор сифатида фаолият юритиш ҳуқуқидан маҳрум бўлган шахслар ҳисобланади.

3. Мазкур Низомдан келиб чиқадиган низолар қонунчиликда белгиланган тартибда ҳал этилади.

4. Мазкур Низом Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси билан келишилган.

*Монополиядан чиқариш, рақобат ва
тадбиркорликни қўллаб-қувватлаш
давлат қўмитаси раиси в.б.*

Б. УЛАШОВ

*Тошкент ш.,
2007 йил 25 январь*

+

—

ЎЗБЕКИСТОН РЕСПУБЛИКАСИ БОШ ПРОКУРАТУРАСИ
ХУЗУРИДАГИ СОЛИҚ, ВАЛЮТАГА ОИД ЖИНОЯТЛАРГА ВА
ЖИНОЙЎ ДАРОМАДЛАРНИ ЛЕГАЛЛАШТИРИШГА ҚАРШИ КУРАШИШ
ДЕПАРТАМЕНТИ БОШЛИГИНИНГ
БУЙРУҒИ

92 «Пул маблағлари ёки бошқа мол-мулк билан боғлиқ операцияларни амалга оширувчи ташкилотларда жиноий фаолиятдан олинган даромадларни легаллаштириш ва терроризмни молиялаштиришга қарши курашиш юзасидан ички назоратни амалга ошириш қоидаларини тасдиқлаш тўғрисида» буйруқнинг амал қилишини тўхтатиб туриш ҳақида

*Ўзбекистон Республикаси Адлия вазирлиги томонидан 2007 йил
6 мартда 1597-1-сон билан давлат рўйхатидан ўтказилди*

(2007 йил 16 мартдан кучга киради)

Ўзбекистон Республикаси Президентининг «Аҳолининг ва ҳўжалик юритувчи субъектларнинг банк тизимида ишончини мустаҳкамлашга оид кейинги чора-тадбирлар тўғрисида» 2007 йил 12 январдаги ПҚ-565-сон ва «Жиноий фаолиятдан олинган даромадларни легаллаштиришга ва терроризмни молиялаштиришга қарши курашиш соҳасидаги айрим қонун ҳужжатларнинг амал қилишини тўхтатиб туриш тўғрисида»ги 2007 йил 20 февралдаги ПҚ-586-сон қарорларини бажариш мақсадида, **бўйраман:**

1. «Пул маблағлари ёки бошқа мол-мулк билан боғлиқ операцияларни амалга оширувчи ташкилотларда жиноий фаолиятдан олинган даромадларни легаллаштириш ва терроризмни молиялаштиришга қарши курашиш юзасидан ички назоратни амалга ошириш қоидаларини тасдиқлаш тўғрисида»ги буйруқнинг (2006 йил 19 июль, рўйхат рақами 1597 — Ўзбекистон Республикаси қонун ҳужжатлари тўплами, 2006 й., 28-29-сон, 284-модда) амал қилиши 2013 йил 1 январгача даврда тўхтатиб турилсин.

2. Мазкур буйруқ Ўзбекистон Республикаси Адлия вазирлигида давлат рўйхатидан ўтказилгандан сўнг ўн кундан кейин кучга киради.

**Бош прокуратураси ҳузуридаги солиқ,
валютага оид жиноятларга ва жиноий
даромадларни легаллаштиришга қарши
курашиш департаменти бошлиғи**

Н. ЮЛДАШЕВ

Тошкент ш.,
2007 йил 22 февраль,
12-сон

Келишилди:

*Марказий банк Бошқаруви раиси**Ф. МУЛЛАЖОНОВ**Тошкент ш.,
2007 йил 28 февраль*

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ ДАВЛАТ
ҚЎМИТАСИНING
ҚАРОРИ

93 **Хўжалик жамиятлари устав жамғармасидаги давлат
акциялари пакетлари (улушлари)ни бошқариш бўйи-
ча фаолиятни амалга ошириш тартиби тўғрисидаги низомни
тасдиқлаш ҳақидаги қарорга ўзгартиш ва қўшимчалар кири-
тиш тўғрисида**

*Ўзбекистон Республикаси Адлия вазирлиги томонидан 2007 йил
7 мартда 1473-1-сон билан давлат рўйхатидан ўтказилди*

(2007 йил 17 мартдан кучга киради)

Ўзбекистон Республикаси Президентининг «Ўзбекистон Республикаси Давлат мулки қўмитаси фаолиятини такомиллаштиришга доир чора-тадбирлар тўғрисида» 2006 йил 26 апрелдаги ПҚ-335-сонли қарорига мувофиқ ҳамда хўжалик жамиятларининг устав фондидаги давлат улушларидан самарали бошқарилишини такомиллаштириш мақсадида Ўзбекистон Республикаси Молия вазирлиги ва Ўзбекистон Республикаси Давлат мулкини бошқариш давлат қўмитаси **қарор қилади:**

1. Ўзбекистон Республикаси Молия вазирлиги ва Давлат мулки қўмитасининг «Хўжалик жамиятлари устав жамғармасидаги давлат акциялари пакетлари (улушлари)ни бошқариш бўйича фаолиятни амалга ошириш тартиби тўғрисидаги низомни тасдиқлаш ҳақида» (2005 йил 27 апрель, рўйхат рақами 1473 — Ўзбекистон Республикаси қонун ҳужжатлари тўплами, 2005 й., 17-18-сон, 132-модда) 2005 йил 14 мартдаги 33, 01/06-18/02-сонли қарорига иловага* мувофиқ ўзгартиш ва қўшимчалар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилганидан сўнг ўн кундан кейин кучга киради.

Молия вазири**Р. АЗИМОВ***Тошкент ш.,
2007 йил 14 февраль,
21-сон*

* Илова рус тилидаги матнда берилган.

**Ўзбекистон Республикаси давлат
мулкани бошқариш давлат қўмитаси
раиси**

Д. МУСАЕВ

Тошкент ш.,
2007 йил 14 февраль,
01/12-18/04-сон

ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИНING
ҚАРОРИ

**94 Мактаб таълимини ривожлантиришга мажбурий аж-
ратмаларни ҳисоблаб чиқариш ва тўлаш тартиби
тўғрисидаги низомга ўзгартиш ва қўшимчалар киритиш
ҳақида**

*Ўзбекистон Республикаси Адлия вазирлиги томонидан 2007 йил
7 мартда 1446-4-сон билан давлат рўйхатидан ўтказилди*

(2007 йил 17 мартдан кучга киради)

Ўзбекистон Республикаси Президентининг 2006 йил 18 декабрдаги ПҚ-532-сон «Ўзбекистон Республикасининг 2007 йилги асосий макроиктисодий кўрсаткичлари прогнози ва Давлат бюджети параметрлари тўғрисида»ги қарорига (Ўзбекистон Республикаси қонун ҳужжатлари тўплами, 2006 й., 51-52-сон, 507-модда) мувофиқ **қарор қиламиз:**

1. Ўзбекистон Республикаси Молия вазирлиги ва Давлат солиқ қўмитасининг 2005 йил 14 январдаги 3 ва 2005-3-сон қарори билан тасдиқланган Мактаб таълимини ривожлантиришга мажбурий ажратмаларни ҳисоблаб чиқариш ва тўлаш тартиби тўғрисидаги низомга (2005 йил 31 январь, рўйхат рақами 1446 — Ўзбекистон Республикаси қонун ҳужжатлари тўплами, 2005 йил, 5-6-сон, 37-модда, 39-сон, 300-модда; 2006 йил, 6-7-сон, 44-модда, 28-29-сон, 278-модда) иловага* мувофиқ ўзгартиш ва қўшимчалар киритилсин.

2. Мазкур қарор Ўзбекистон Республикаси Адлия вазирлигида давлат рўйхатига олинган кундан бошлаб ўн кун ўтгач кучга киради.

Молия вазири

Р. АЗИМОВ

Тошкент ш.,
2007 йил 8 февраль,
18-сон

Давлат солиқ қўмитаси раиси

Б. ПАРПИЕВ

Тошкент ш.,
2007 йил 8 февраль,
2007-16-сон

+

-

Ўзбекистон Республикаси
Адлия вазирлиги маълум қилади:
вазирликлар, давлат қўмиталари ва идораларининг
умумий мажбурий тусдаги меъёрий ҳужжатларини давлат
рўйхатидан ўтказиш ҳолати тўғрисида
2007 йил 24 февралдан 9 мартгача бўлган маълумот

I. Давлат рўйхатидан ўтказилди:

1. «Уруғлик донни қабул қилиш, тайёрлаш, дорилаш, тарқатиш ва сифатини назорат қилиш тартиби тўғрисидаги йўриқномага ўзгартиш ва қўшимчалар кириштириш ҳақида» *Ўзбекистон Республикаси Қишлоқ ва сув хўжалиги вазирининг 2007 йил 3 февралдаги 19-сон буйруғи.*

2007 йил 27 февралда 1499-1-сон билан рўйхатдан ўтказилди (2007 йил 9 мартдан кучга киради).

2. «Донни қабул қилиш ва қишлоқ хўжалиги ишлаб чиқарувчилари билан ҳисоб китоб тартиби бўйича йўриқномага ўзгартиш ва қўшимчалар киритиш ҳақида» *Ўзбекистон Республикаси Қишлоқ ва сув хўжалиги вазирининг 2007 йил 6 февралдаги 22-сон буйруғи.*

2007 йил 27 февралда 936-1-сон билан рўйхатдан ўтказилди (2007 йил 9 мартдан кучга киради).

3. «Хусусий уй-жой мулкдорларининг ширкатлари ва коммунал хизматлар кўрсатувчилар ўртасида мулкнинг бўлиниш чегаралари ҳамда муҳандислик коммуникацияларини сақлаш учун жавобгарлик тўғрисидаги низомни тасдиқлаш ҳақида» *Ўзбекистон «Ўзкоммунхизмат» агентлиги бош директорининг 12 февралдаги 11-сон буйруғи.*

2007 йил 27 февралда 1659-сон билан рўйхатдан ўтказилди (2007 йил 9 мартдан кучга киради).

4. «Профессионал баҳоловчига қўйиладиган малака талаблари тўғрисидаги низомни тасдиқлаш ҳақида» *Ўзбекистон Республикаси Давлат мулкни бошқариш давлат қўмитасининг 2006 йил 1 декабрдаги 01/19-18/05-сон қарори.*

2007 йил 2 мартда 1660-сон билан рўйхатдан ўтказилди (2007 йил 12 мартдан кучга киради).

5. «Пул маблағлари ёки бошқа мол-мулк билан боғлиқ операцияларни амалга оширувчи ташкилотларда жиноий фаолиятдан олинган даромадларни легаллаштириш ва терроризмни молиялаштиришга қарши курашиш юзасидан ички назоратни амалга ошириш қоидаларини тасдиқлаш тўғрисида» *буйруқнинг амал қилишини тўхтатиб туриш ҳақида» Ўзбекистон Республикаси Бош прокуратураси ҳузуридаги Солиқ, валютага оид жиноятларга ва жиноий даромадларни легаллаштиришга қарши курашиш департаменти бошлигининг 2007 йил 22 февралдаги 12-сон буйруғи.*

2007 йил 6 мартда 1597-1-сон билан рўйхатдан ўтказилди (2007 йил 16 мартдан кучга киради).

Ўзбекистон Республикаси қонун ҳужжатлари тўплами, 2007 й.

6. «Хўжалик жамиятлари устав жамғармасидаги давлат акциялари пакетлари (улушлари)ни бошқариш бўйича фаолиятни амалга ошириш тартиби тўғрисидаги низомни тасдиқлаш ҳақидаги қарорга ўзгартиш ва қўшимчалар киритиш тўғрисида» *Ўзбекистон Республикаси Молия вазирлиги, Давлат мулкни бошқариш давлат қўмитасининг 2007 йил 14 февралдаги 21, 01/12-18/04-сон қарори.*

2007 йил 7 мартда 1473-1-сон билан рўйхатдан ўтказилди (2007 йил 17 мартдан кучга киради).

7. «Мактаб таълимини ривожлантиришга мажбурий ажратмаларни ҳисоблаб чиқариш ва тўлаш тартиби тўғрисидаги низомга ўзгартиш ва қўшимчалар киритиш ҳақида» *Ўзбекистон Республикаси Молия вазирлиги, Давлат солиқ қўмитасининг 2007 йил 8 февралдаги 18, 2007-16-сон қарори.*

2007 йил 7 мартда 1446-4-сон билан рўйхатдан ўтказилди (2007 йил 17 мартдан кучга киради).

**Адлия вазирлиги томонидан давлат рўйхатидан
ўтказишнинг белгиланган тартибига зид равишда амал
қилаётган меъёрий ҳужжатлар аниқланди:**

1. *Ўзбекистон Республикаси Давлат божхона қўмитасининг 2003 йил 23 январдаги 21-сон, 2005 йил 21 апрелдаги 68-сон, 2005 йил 12 июлдаги 114-сон буйруқлари ва 2006 йил 18 сентябрдаги 01-04/1-1334-сон хати.*

Давлат рўйхатидан ўтказилмаган меъёрий ҳужжатлар кучга кирмаган ҳужжат сифатида ҳуқуқий оқибатларга олиб келмайди ҳамда тегишли ҳуқуқий муносабатларни тартибга солиш, ундаги кўрсатмалар бажарилмаганлиги учун фуқаролар, мансабдор шахслар, корхона ва ташкилотларга бирор-бир жазо қўллаш учун асос бўлиб хизмат қилмайди. Юқорида кўрсатилган меъёрий ҳужжат бўйича Адлия вазирлиги томонидан тегишли идорага ушбу ҳужжатни бекор қилиш ва ижродан чақириб олиш тўғрисида тақдимнома киритилди.

—

+